

Barth. Using  
Lijn windvlyang  
Journal Zelfnum-  
ers.  
Leyden, 1522.

JA  
3221



av 12













# Eyn widerlegung Joannis Cull-

samer/ezliche / Sermon geschehenn zu Erfurde  
von Doctor Bartholomeo Vfsingen

M. D. xxij.

Luce am. xij.

Sorcht dich nicht du cleyne heufleyn / wan war  
umb es hat gefallen ewerm vatter euch  
zu geben das reych.





## Jesus

### Ich het vermeyndt das die prediger

des götlichen wortes / sunderlich nachuolgeten dem Euangelis-  
schen sprächleyn Luce am ersten geredet zu Zacharia von Jo-  
hanne dem Tauffer also lautent Vnd er wirt vil der söne von  
Israhel bringen zu gott yrem hern. Also wolt got das alle pre-  
dig eynes izlichen alleynn da hyn geordent wern auff das die  
glori vnd gutheyt gottes in die hertzen der menschen gebildet/  
vnd gezogen wurden zu got yrem herren: wie dann der Engel  
Gabriel an ietzt gemeltē capitel geret hat/ das Johānes wurde  
furen das volck zu got yrem herren. Aber nun seindt der miß-  
trewichen prediger so vil hie zu Erffurdt die die scheflein Chri-  
sti ander weg leren zu vermeynen/ welchen wir so vnnsere gantz  
wenig ist mit predigenn alleyn nicht genueglich widerstheem  
mügen / vnd wo wir es mit disputirn fur nemen seind sie so ge-  
schickt das sie yn andere gescheflein erdichten vnd nicht ers-  
scheynen das sie da vnterrichteten oder vnterricht nemen/ zey-  
gent do mit an das sie gar kein lieb habē zu den scheflein Christi  
so sie wissen das vnrecht disputirt oder gepredigt wirt vñ sich  
nicht entgegen setzenn an den orten da es gewonlich ist/ so wir  
doch schuldig seindt als in der ersten Cano: Johan: am. 3. ges-  
schrieben ist das wir vnnsere seel fur die schefleyn des hern setzen  
sollen. Ja do haben meyn hern ein solche entschuldigung das  
sie sagen/ sollen wir mit disen disputirn sind sie doch Ketzer wol-  
len sie Doctores lernen sie seindt vns nit gut genug auch izune  
verdampft durch die kyrchen / antwurt ich meinen gunstigen  
hern das sie vnrecht thun so sie die ihenigen Ketzer schelten die  
mit götlichem wort widersten menschlichen ordnungen oder  
gesetzen. ia vil billicher aber sollen geacht werden Ketzer vnd ab-  
trunnig ( als sie auch warlich sindt ) von Christo so mit men-  
schlichem geyfer oder gesetzen götlichem wort wieder sprechen.  
Doch so weyß ich das dieses nicht ist die recht vrsach darumb  
sie fliehen aber sie furchten yr vngütigkeyt möcht zcu gar anfs-  
licht kumen/ durch verhörung beyder partheien gegen einan-  
der meynen darneben in dem so sie nit erscheynen / so wieder sie

L 2, 1704







## Ihesus

vñ also furbas/kumen wir vngeweyfelt auff abgötterey/ sich  
das dich nicht helffen deyn iar vñnd Ezech: am. xx. nimpt dir  
solchs argument sprecht. in den geboten ewerer veter solt yr  
nicht wandern/solt auch nicht nachuolgē yrem vteyl/ich byn  
ewer herr got vñd bewaret mein vteyl/ vñnd thunt die selbst.  
sich auch wie du Christo selber entgegē lereſt & do ſaget Mat:  
am. x. welcher vatter oder mutter mehr liebet dan mich der iſt  
mein nicht wirdig / so lereſtu vatter oder mutter schlecht nach  
folgen an alle vnder ſcheydt/so du doch ( als ein getrewer hirt)  
leren ſoldeſt / zeuchet dich vatter oder mutter oder freunde ab  
vō got/verlaß den irdiſchen vatter/ volg nach dem hymliſchē  
vatter vñd mutter haben irren mügen/das wort Chriſti iſt ge  
wiß felet nit. Sich also wer auch dir als eynem hochgegrüeten  
doctor der heyligen ſchriſt wol angeſtanden/daſtu ſunderlich  
in die Propheten geſehen hetteſt/wie ſie alweg das volck ſtraf  
fen in dem das ſie den vnguetigkeyten der eltern volgenn. Als  
Iheremie am ſiebenden die ſōne ſamelten hölzer vñd die veter  
zunden an das ſewer/ vñnd die weyber wircken den teyck/ auff  
das ſie machen kuchen der künigin des hymels/vñnd opfertē  
fremden göttern/wie auch Iheremie am newnten geſchrieben  
iſt/ ſie haben verlaſſen mein geſetz das ich yn geben hab/vñnd  
haben nicht gehört meyn ſtym/ vñnd haben gewandert nach  
der boßheyte yres hertzen/vñd haben gedienet dem abgot Ba  
alim/welches ſie gelernet haben von yren vettern vñd hernach  
am. 44. hat geſagt das gantz volck der Juden zu Iheremia/  
die wort die du zu vns geret haſt in dem namen des hern/wol  
len wir vō dir nicht hören/ſunder wir wollen thun alle die rede  
die do auß geet auß vnſerm munde auff das wir opfern der kün  
igin der hymel/wie wir gethan haben vñd vnſer veter/vnſer  
künig/vñd vnſer furſten. Der gleichen iſt es auch in dem dritten  
buch der künig am. xv. capitel geſchrieben von dem künig Abia  
Er hat gewandert in & ergelien ſchalccheyte ſeines vatters/also  
bald darnach im. xvi. von dem künig Amri auch angetzeyge  
wird/das er geſündet hab in dem angeſicht des hern vber alle  
die vor ym gewelien ſindt / vñd gewandert in dem weg Ihero/



## Jesus

boam vñ in des selbigen sünden/nun sich was do gethan hab  
das nachvolgen den vetteren/so ist es am hellen tag das vnser  
vetter von dem rechten wege mit den wercken ( got weyß wie  
es mit dem glauben gestalt gewesen ist ) abgetreten sindt/wan  
die werck gottes/ als brüderlich vñnd fridlich lebenn mit allen  
menschen/dürffigen helffen zc.ist durch pfaffen vñd manich  
zulernen vnder lassen / vñd falsche werck an solcher stadt auff/  
bracht als lehen/clöster/vigil/selneß stiftē. gebet / brudschafft  
kauffen/opfern/vñnd aplaß lösen / die mit keynem büch staben  
des Euangeli beweyßt werden mögen das sie got vñd vns vor/  
dern oder haben wölle. Darumb ein yzlicher crist von solliche  
vñnützen/schedlichen/vñnd verdümlichen wercken billich ab/  
stehen sol/vñnd zu den wercken gottes sich haltenn/ laß auch  
schreyen vsingen so laut er wil/ man volg den alten vñd nicht  
den iungen: Die schriefft vonn yme angezeyget am. 3. buch der  
künig am. 12. capitel ist wider yn selber/ als dan ist von Robo/  
am dem sunne Salomonis/der do volget dem rath der iungen  
vñd nicht der alten/verlor dar durch das regiment vber Isra/  
hel. Sich hie mag ia nicht anders verstandenn werden/ dann  
weltlich oder fleyschlich weyßheyt in diesen altenn/welche vn/  
gezweyfelt bey den alten vil grösser ist dan in den iungen. Aber  
in dem götlichen wort zu predigen/so sie sich dar ein mischt/ ist  
sie ganz giftig vñnd tötlich/ als Paulus sagt zu den Römern  
am. viij. die fürsichtigkeit des fleysches ist der doet/ vñd in der  
ersten Epistel zu den Corinthiern am ersten/ got hat erwelet die  
nerrischen dieser welt/das er zuschandenn setz die weysen/nun  
sech ein iezlicher wie solche fleyschliche weyßheit gemeinglich  
wieder strebet den vñteylen gottes / vñd auch allezeyt verget in  
eytel schnödigkeyt / als dann auch ein sunderliches ist von den  
zweyen alten schelcken Danielis am. 14. welche von wegen yrer  
bösen begirden/die sie nicht verbringen mochten mit der frumē  
Susanna/die selbigen in den todt zugeben vermeintē/ vñ sie vñd  
Daniele 8 ein kind 8 iar halbē genent werdē mocht erlediget ist/  
so Mat: am. 26. auch am. 27. lesen wir dz die eltern des volcks  
wider Christū gesamlet warn vñ yne vmbzubungē gedachten/

*Si peruenit  
in d. 14. sic  
ad st. h. 14. p. 14.*



# Jesus

also ist alwegē solche weyßheyt auff das sie guet gedunckt ver/  
flissen / vnd darneben götlicher weyßheyt nicht erkennen bleyben  
in yren trewmē / wie dann auch sonderlich Jobel am andern  
vnd der heylig Petrus in der Wirkung der Apostel auch am  
andern cap: bezeuget sagent ewer sū vñ dōchter werden weyß/  
sagen / vnd ewer iungling werden gesichte sehen / vñ ewre alten  
werden yn trawm trewmē lassen / ist hie nit anders gesagt / dan  
die iungen werden auffnemen die warheyt gottes vnd die selbi/  
gen erkennen. Aber die alten werden in trōmen das ist in yrrig/  
keyt verharren. Darumb laß dich niemer hören das man die  
deynes alters halben in der heyligen schriefft glauben sol / wan  
ich vil elterer weyß dann du bist / die gleych so wenig ia minder  
dan du in dem heyligen Euangelio wissen / widerumb weyß ich  
auch vil iunger die dir weyt in der heyligen schriefft vberlegenn  
sind / derhalben ist es nicht mit groen harn außgericht als Sa/  
pientie. 4. geschriben ist / das alter ist erwidig nicht das lang  
ist oder vil ierig / oder graw das ist erlich / seint die sinne des mē/  
schen vnd die langzeyt des alters eyne vnbesleckt leben.

¶ Zum andern so weysen auch deyne wordt auß / das du noch  
nicht weyß bist / welcher gerecht oder vngerecht in der schriefft  
genant werde / vnd machest dreyerley gerechte / welche du wilt  
das sie schlecht nicht sundigen. Die ersten ( wie du sagst ) sind  
die do fuer setzen got aller creatur. ¶ Die andern die do liebha/  
ben den nechsten als sich selber / wo mag man die finden? ia wo  
sein sie ye gefunden worden / die also got vñ den negsten geliebt  
hettē / das genugt geschehen were den gebotenn angerzeyget  
durch Christū Mat: am. xxij. liebe got deynen herren auß ganz  
gem deynem hertzen / auß ganz deynem sele / vnd auß ganz dey/  
nem gemüet / liebe auch deynen nechsten als dich selbst / aber  
derhalben solchen geboten / auch von den allerheyligisten / nie  
genueg geschehen mag oder ye geschehen ist / als dan auch an/  
zeyget Petrus actuum am. xv. welches gesetz wieder wir noch  
vnnser veter haben mögen tragen / auch David gee nicht ein in  
das gericht mit deynem knecht / wan vor dir wirt alles fleysch  
nicht gerechuertiget / vnd in der ersten Canonica Jo: am ersten



# Ihesus

capitel/sprechenn wir das wir nicht sünde haben verführen wir  
vns selber vñnd die warheyt ist nit in vns / sich nun ist die lieb  
gotes vñ des nehsten vns geboten die gerechtigkeit betreffende/  
aber ia nimant so küne ist/mein ich/d sagen dörfte/durch seyn  
gerechtigkeyt selig zu werden / müssen wir derhalben zu gottes  
barmhertzigkeit hoffen/wan durch die selbigē verschonet wirt  
vnsern sunden vñd schalckheyten/ wie wol also lang wir leben  
die selbē altzeyt vns entgegē sein/ als Dauid sagt am. 50. psalm  
mein funde ist altzeyt wider mich/ wie auch Paulus zu den Ro-  
mern am. vii. ich vnseliger mensch wer wil mich erledigen von  
dem cörper dieses todes/ antwurtet ehr die gunst od gnade got-  
tes durch Chustum Ihesum/ sich hie vermeynet Paulus nicht  
zuerledigt werdenn durch eygene werck/ oder durch eygene vol-  
kumenheit/ sunder durch götliche barmhertzikeyt / derhalben  
hettest du vil besser gelernt so du auff's aller schlechtest fürge-  
ben hettest vñnd gesagt/ das alle die do glaubeten in Chustum  
Ihesum gerechte weren nicht das sie an sünd wern/ sunder das  
yn got der selbigenn auß barmhertzikeyt nicht gedencken wil/  
so sint nun dein beschreybung der zweyer gerechten die nye ge-  
wesen sein/ auch nicht sein mügen. ¶ Die dritten gerechten ( so  
du sagst die sunden nicht die do fuer setzen die ewigen ding den  
creatur ) sich wie gerecht seyndt diese/ gleych wie Lucifer. der  
setzt auch ewige ding vor allen zeytlichē/ wan er vermeynt gar  
got gleych zu seyn/ solche gerechtikeyt vindt man bey münich  
nunnen vñnd reglerin/ vñnd bey allen den genigen so durch yre  
werck got seynen hymel zu sturmen/ auch vor andern menschen  
in den ewigen vorzug zcu haben / vermein/ sich diese alle sünde  
nicht anders den heuchler/ meynent nicht got sunder sich vñd  
yren nutz/ vñ ye hocher die begirde ist zu dem ewigen ye grosser  
ist die vbertretung vñd sunde gegen got. aber die gerechte mey-  
nen vñnd suchen nichtz anders den gott/ besteen willig in allen  
dem das got mit ynen schaffet vñ auch schaffen wil / so ist ge-  
saget am. 72. psalm herz was begere ich im hymel vñd an dich  
was hab ich gewölt auff der erden / so auch Genesis am. 15.  
redet got zu Abraham sprechent/ ich byn dein lon seer groß.



## Ihesus

¶ Das du aber die vngerechte auch in drey teyl vnderseydeste  
so sie doch Christus Joannes am. 16. zu geleych ganzü krtzlich  
begreyfft/ also sprechent/ der heylig geyst wirt straffen die werlt  
vmb der sündt wiln/ das sie in mich nicht geglaubt haben/ dan  
alles vnnnd allein das do kumbt auß dem vngelauben sündlich  
ist. Das du aber noch Paulum zu den Galatern am. 6. capitel  
an zeugst so sich ymant vor got etwas dunckt/ so er doch nich-  
tes ist/ vnd darnach in d̄ ersten Epistel zu den Corinthiern am. 1.  
ich byn durch die genad gottes das ich byn / vñ zu den Ephe-  
siern am andern/ wir waren alle kynder des zornes von natur/  
schlenst dein angezeygte schriefft wieder dich selber / den freyen  
willen nichtz seyn/ den du doch so groß preysst/ wan so wir vñ  
natur kynder des zornes seyen/ was mögen wir dann auß vnns  
thun das got beheglich were/ wan wir auch nichtz seynt/ vnd  
allein durch genade angemem seynt/ so ist es auch nit auß vns/  
sunder auß den gnadē gottes/ wirt aber dennoch nicht dar auß  
volgen/ das die gnad gottes vnser werck verdienstlichē mache/  
dan alleyn das verdinst Ihesu Christi ist vnser haubtgut oder  
vnser verdinst als wir haben in der ersten Epistel zu den Corin-  
thiern am ersten capitel/ auß gott seyt yr in Christo Ihesu wel-  
cher vns geben ist/ die weyßheyt von got/ vñ die gerechtigkeit/  
vnd die heyligkēyt/ vñ die erlösung wie dan geschrieben ist/ wer  
sich ruemet der ruem sich in dem hern. Wie haben wir in Chri-  
sto fur vnser befleete vnd schnöde gerechtigkeit / die vns gegen  
got nicht rechtuertigen mag / die aller höchsten gerechtigkeit/  
die gottes ist/ fur yrdisch weyßheyt/ die hymlichenn / auch die  
wir vermaldeyete vnnnd verdammte gewesen sindt/ haben nun  
Ihesum Christum vnser heyligung vnnser erlösung. Darumb  
wir vns nicht vnser gerechtigkeit/ weyßheyt/ heyligkeit/ rümen  
durffen: wie dā hie angezeygt ist/ vñ Iheremie am. ix. geschrey-  
ben ist. Der weyß sol sich nicht rümen in seiner weyßheit/ nicht  
der starck in seyner sterck / vnd der reich rüem sich nicht seyner  
reychtumb / aber wer sich rümen wil rueme sich das er wisse  
vnd kenne mich. In diesem angezeygeten sprüchleyn/ wirt erst-  
lich nydergelegt aller zuuersicht menschlicher weyßheit/ reych-  
tumbs vnnnd sterck/ darumb lieber Vsing: wollest vnderlassen



# Jhesus

dich deyner weyßheyt/also offt zcu beruemen/ ist sie auß dir/  
so ist sie menschlich vnd vnnitz/ ist sie auß got / darffstu die  
der selben nicht zumessen gleych ob sie auß dir wer : ya du  
wurdest auch wol bescheydner dar vonn glouern / vnd  
nicht so durstig seyn/nach dem bluet deyner brüder vnd in  
allenn deynen predigen ruessen / fewer vnd ruetten zu den  
ketzern. Das aber deyn weyßheyt nit auß got sey / zeygent  
an deyn eygene wort vnd argument/ da du mit beschliessen  
wilt deynen eben christen menschen zcu verbrennen/ so du  
also geprediget hast. Es ist offentlich das mann falsche  
münzmaker verbrennen sol / also lernet mich auch meyn  
vernunfft das mann ketzzer verbrennen sol/lieber vsing wo  
kumbst du mit solcher fleyschlicher vnd giffziger weyß/  
heyt her/die du ye nicht vonn Christo gelernet hast/ der do  
saget Luce am. ix. zu Jacobo vnd Johanni / die do wolten  
mit fewer vmbbringen die Samaritan/ straffet sie der herre  
vnd sprach zu yn/wist ir nit was geystes yr habt/wan der  
sun des menschen ist nicht kummen zcu verterben / sunder  
selig zcu machen : Auch so kanstu wieder in dem gantzenn  
Euangelio noch in aller aposteln Episteln anzeygen / das  
man ketzzer verbren sol/auch noch nyekeyner verbrant wor/  
den ist.

¶ Aber wider dich vnd deynen hauffen stet Christus vnser  
herre Matthei am. 18. capitel/welcher nicht/wie du/ ketzzer  
verbrennen leret/ sunder die selbigenn nach deme so sie ver/  
manet seindt/ außzuschliessen: vñ cristlicher gemeinschafft:  
wie auch Paulus zcu Thito ann dem. 3. spricht/ den ketzzer/  
rischen menschen/ nach der ersten oder andern vermanun/  
gen/soldest du meyden.

¶ Sich wie feyn kummest du mit Christo vnd Paulo vber  
ein/gleych als die vinsternus mit dem liecht.

¶ Christus vnd Paulus lernen die ketzzer zcu meyden / so

B

*Heretici non sunt  
combrendi sed  
trahendi*



## Jesus

lernet dein giffteiger neyt vñ haß / mit rueten auß zuhawen:  
auch zu verbrennen als Ketzer: die von dir vnd aller menig-  
lich noch vnuberwunden sindt/ auch alleyn derhalben vñ  
dir vñ andern schreyern/ Ketzer gescholdenn werden. das  
sie götliche schrifft fursetzen menschlicher weyßheyt vñnd  
ordnung / ich wolt aber du werest bescheydener die dinc  
zu vrteylen: der du wenig verstandt hast/ sehest an deynn  
eygne geprechligkeyt vñnd irthum/ vñnd wurffest auß den  
balckenn / erstlich auß deynem aug / griffest darnach dann  
nach dem steublein das da liget in dem aug deynes bruders  
wann wie woll du yzundt in verleugnung tridest/ das du  
gesagt habst/ werck gehören zu der gerechtigkeit/ vnd doch  
das selbige vil frumer menschen von dir gehört haben/ auff  
das ich dir aber wiederumb in gedechtnus bring / das du  
solchs geprediget hast/ so gedenc ann die zwen menschen/  
die do auffstigen in den tempel/ auff das sie betetē/ Luce am  
.18. da du mit grosser dapfferkeyt furgeben hast/ man muß  
gute werck thun/ so man gerecht werden wil/ vñ also hastu  
das selbig bewert durch den gleyßner vnd den sūnder / sich  
dieses ist die gewonheyt götliches worttes / das alle die zu  
schanden macht/ die mit ym lesterlich handeln/ welchs die  
dann in gemeltem exempel auch geschehen ist/ hettest auch  
schwerlich ein öffentlichere vnd clerlichere schriefft / wieder  
dich selber antzeygen mögenn/ wann ya der gleyßner seyner  
werck keynen genies entpfing/ aber der sūnder stig ab gere-  
chtuertiget an alle seyne werck in seyn hauß / seyndt mals  
dastu nun izunt verneynest/ laß ich willig faren/ frew mich  
auch mit dir/ dastu diesen irthumb hast abgestelt / trawere  
mich aber dar gegē/ dastu in eynen andern/ der nicht gerin-  
ger ist/ eingefallen bist/ das du so freuelich wieder Christum  
selber vñnd seyne Apostel vnd propheten darffst reden / der  
gelaub macht nit gerecht/ sūnder die genad gottes/ weystu



## Ihesus

nicht/das ein ytzlicher der sich got nehern wil/ als zu den  
Hebre: am. xi. dz dasselbig durch den glaubē geschēhē muß/  
vnd auch an den glauben vnmöglichen ist/ got begehlich  
zu seyn / auch so die genad gottes gerecht macht / so ist es  
öffentlich/das der glaubenn ist ein gab gottes / auch nicht  
ein gemeine oder vngeachte/ ia die aller grōst vnnnd höchst/  
wie dan der herr selber Johannis am. xi. vō dem glauben  
anzeygt/also sprenchende. Wer in mich glaubt / so er ge/  
storben ist/wirt er leben/ vnnnd ein ytzlicher der do lebet vnd  
glaubt in mich/ d wirt ewig nit sterbē. Tun sich do/lieber  
Vsing/warumb du geleuckent hast/ das der glaub gerecht  
mache/ vnnnd hast vnterscheyden zwischen dem glaubenn  
vnd der gnad/da doch gantz keyn vnterscheyt ist/oder sein  
mag: wan wo da ist der glaub/ da ist auch die genad/ vnd  
wiederumb/wo da ist genad ist auch glaub.

¶ Mit den heyligen hebest du ein solch fest vnd spil an/ als  
wer nicht Christus Ihesus vnser heyligkēyt/ weyßheyte vñ  
gerechtigkēyt/ vnd wir müsten die anders wo / dann vonn  
vnserm hern warten / nicht das ich die heyligen dar mit zu  
vnern vermeyne/ oder willen hab: sunder die freunde gottes  
seint mir hochgeert/ wie d königklich Prophet am hundert  
vñ acht vndreyßigistē psalme schreibet/ist auch vō keinem  
auff vns geprediget wordē/ das die heyligē sollen verachtet  
werden. Das man aber die heyligen muß anruffen ( als  
Vsing sagt ) ist in der geschriefft an grundt/ wan anruffen  
nichts anders ist/ dan in rechter zumerficht vnd getrawen  
hilff begern / ydoch nicht vonn den heyligen/sunder vonn  
Christo Ihesu / als Paulus zu den Hebre: spricht am. 4.  
capitel/wir sollē mit ganzem getrawen geen zu dem thron  
der gnaden Christi vnser Bischoff/ auff das wir erlangen  
barmhertzigkēyt/ vnd vinden genad zu gewünschter hilff/

B ij



## Jesus

also / auch in der ersten Epistel zu Thimotheo am anderen capitel gesagt wirdt: Es ist ein versuner gottes / vnnnd der menschen Christus Ihesus. Hie wirt Christus angezeyget ein eyniger versuner oder mitler gottes vnd der menschen. ¶ Aber offtgemelter doctor der lernet nun wie vns mitler gegen Christo auch von nöten seyen / vñ sein lere also durch nachuolgende geschreiffte beweredt.

¶ Zu dem ersten hat er genummen das geleychnus vñ den fursten vñ das selbig hoch angezogen / als das fuernemest seynes grundes / wan zcu gleych so man zu fursten oder künigen wolle / muesse man vor die dyener an sprechen / flehen vnd bitten / derhalben meynt er auch do mit das dieses geleychnus nicht sey zu verlachen / die weyl sich Christus selber vergleych eynē künig / als dan geschrieben ist Matheo am achtzehenden.

¶ Zum andern so zeugt er an das ander büch Machabeorum am funffzeden. do Judas machabeus in den traume sach Oniam vnnnd Iheremiam / fur das volck der Jüden bitten.

¶ Zum dritten beweret er furbit der heyligen durch das geschicht Helie / der do ein mensch war gantz gleych vns / der do zu got ruffet vnd erlanget den regen auff der erden / als am dritten buech der künig am siebenzehenden / vnnnd auch Iocobi am funfften geschriebenn ist / mocht er das auff erden wie vil mer mag er das nun in dem hymel.

¶ Das vierdt argument do Vsing anzeyget / wie Centurio als Luce am siebenden geschrieben ist die alten auß den Judenn sandt zcu Christo / das er gesundt macht seynen dyener.

¶ Das sunfft ist auß dem dritten buech der künig an dem ander capitel / do geschrieben wirdt von Berschabee wie sie gesezet wardt zcu der gerechten handt Salomonis vnnnd



## Zhelus

bedeutet Mariam das sie vnser fuerbitterin sey gegen got.  
¶ Antwort ich auff das erst das dieses gleychnis des fur/  
stenn oder künigs nicht beschlies/ wan künig vnnnd fursten  
menschen sindt vnnnd nicht an allenn orten zu yzlicher zeyt  
außgericht mögen als vnser herre got / der von allen orten  
der erden/die do zu ym schreien erhört/vnd auch selber vns/  
das wir yn anrueffen sollen vermandt hat am newn vnd  
vierzigsten psalm sprechende / Kueff mich an in dem tage  
deyner trübsal vnd ich wil dich erledigen vnd du solt mich  
eren/also auch das wir frölich kummen sollen in allen vn/  
sern engsten zu got vnserm hern / lert vnns Christus Mat/  
thai am. xi. do er sagt kumen zu mir alle die yr erbeytet vnd  
beschwert seyt/ich wil euch erquickē/ also wil der herr das  
wir zu ym kummen sollen. Das sich aber got eynem künig  
gleycht/sollen wir das selb gleychnus annemen/ aber doch  
nicht ym alle gleychnus vō künigen zumessen/ wir müssen  
yn anders auch gleichen mit den künigen wie das er mit vil  
hohen pferden vnd reysigen gezeng reyten müst / auff das  
er nicht gefangen wurdet von seynen feynden.

¶ Zu dem andern vber das das buch Machabeorū nicht  
Biblich ist/so ist auch das nichts dan ein traum gewesen  
durch welchen gott anzeyget hat das er zukunfftig vber/  
windung geben wölt dem Judischen volck / so list man in  
dem buech d Richter am siebenden capitel von dem traum  
eynes auß den Madianitern do er meint in dem schlaff wie  
das er seche escherin brot von gersten gemacht die gezelt der  
Madianiter verwüsten vnd nyederschlaen geschach doch  
nicht von gersten broedt/sunder von den Juden.

¶ Zu dem dritten das Helias mit seynem gebet eyn regenn  
erlangt hat/wirt nicht darauß volgen das er auch yzundt  
wisse was vnns hie fele oder das er wissen möge wen wir  
begern das er vnsernthalbenn gott bitten sol welches er als



## Helus

gewist hat do er auff erdenn gewesen ist / so ist es auch mit andern heyligen darumb so Jacobus sagt das Helias vns gleych gewesen sey vnd seyne gebet erhört seyn / wil der heylige Jacobus nicht anders dan das wir auch mit ganzem getrawen vonn gott bitten sollen / darann nicht zweyfelu wir werden auch erhört ist aber allein von den die auff erden leben gesagt.

¶ Zw dem vierden von Centurio welcher nicht der Jüden fuerbit halben erhört ist / sunder seynes eygen glaubes halben als Matthei. am. 8. geschrieben ist do der herz zu yme sagt gee hyn vnd als du glaubt hast geschech dir.

¶ Zw dem funfften schleust das exempel vonn Bersabea gantz nichts / ist auch kein grundt do das durch sie Maria bezeyget werde / so wolt ich auch mir keyn solcher fuerbitt wunschen / wann Salomon der sun Bersabee / Adoniam fuer den sie bat töten ließ.

¶ Das man aber durch Christum zu dem hymnischen vatter allein kummen müß / hat doctor Using grundt angezeyget / aber noch nicht auffgelöst / als geschriebenn ist in der ersten Epistel zu Thimo: am andern / es ist ein mitler gottes vnd der menschen Christus / vnd Johannis am. 14. so yr etwas bittet den vatter in meynem namen das wirt er euch geben / wie auch in den geschichten der Apostel am. 4. es ist keyn anderer namen vnder dem hymel darin wir selig werden müssen vnd Esaie am. 48. Ich wil meyn ere keynem andern geben.

¶ Wil ich die weyl solcher grundt bestanden ist kein andere schriefft furwenden / wil dar mit beschliessen wie der teuffer Christi Johānis am dritten angezeyget / welcher ein braut



# Jhesus

hat ist ein preutigam / so nun Christus der war preutigam  
ist / sol man sich zu ym alleyn wenden / wann er als  
Esaie am. 34. angezeygt wirdt / eyn eyfferer ist  
will nicht haben das seyn braut zu andern  
hilff getrauen oder zuuersicht suche / das  
wir also alleyn besten in dem getrauen  
zu vnserm preutigam Christo Jhe  
su helffe vnns gott  
Amen.

..

¶ Gedruckt zu Erfurdt zum  
Schwarze Horn. xxiij.



1713

Handwritten text, likely bleed-through from the reverse side of the page. The text is mostly illegible due to fading and the texture of the paper.

Handwritten text, likely bleed-through from the reverse side of the page. The text is mostly illegible due to fading and the texture of the paper.













4  
Li 3221

(X2272718)




344.











B.I.G.

Farbkarte #13

# Joannis Cull-

Sehehenn zu Erfurdt  
Colomeo Vfsingen  
rj.

. rj.  
es heufleyn/ wan war  
werm vatter euch  
eych.

